

**AVGJERD I EØS-KOMITEEN**  
**nr. 136/2012**

2012/EØS/63/14

av 13. juli 2012

**om endring av vedlegg XX til EØS-avtala (Miljø)**

EØS-KOMITEEN HAR –

med tilvising til avtala om Det europeiske økonomiske samarbeidsområdet, endra ved protokollen om justering av avtala om Det europeiske økonomiske samarbeidsområdet, heretter kalla ”avtala”, særleg artikkel 98, og på følgjande bakgrunn:

- 1) Vedlegg XX til avtala vart endra ved avgjerd i EØS-komiteen nr. 117/2012 av 15. juni 2012<sup>(1)</sup>.
- 2) Europaparlaments- og rådsforordning (EF) nr. 1221/2009 av 25. november 2009 om frivillig deltaking for organisasjonar i ei fellesskapsordning for miljøstyring og miljørevisjon (EMAS), og om oppheving av forordning (EF) nr. 761/2001 og kommisjonsvedtak 2001/681/EF og 2006/193/EF<sup>(2)</sup> skal takast inn i avtala.
- 3) Forordning (EF) nr. 1221/2009 opphevar europaparlaments- og rådsforordning (EF) nr. 761/2001<sup>(3)</sup> og kommisjonsvedtak 2001/681/EF<sup>(4)</sup> og 2006/193/EF<sup>(5)</sup>, som er tekne inn i avtala og difor må opphevast i avtala –

TEKE DENNE AVGJERDA:

*Artikkel 1*

I vedlegg XX til avtala vert det gjort følgjande endringar:

1. Teksta i nr. 1ea (europaparlaments- og rådsforordning (EF) nr. 761/2001) skal lyde:  
”**32009 R 1221:** Europaparlaments- og rådsforordning (EF) nr. 1221/2009 av 25. november 2009 om frivillig deltaking for organisasjonar i ei fellesskapsordning for miljøstyring og miljørevisjon (EMAS), og om oppheving av forordning (EF) nr. 761/2001 og kommisjonsvedtak 2001/681/EF og 2006/193/EF (EUT L 342 av 22.12.2009, s. 1).”
2. Teksta i nr. 1eaa (kommisjonsvedtak 2001/681/EF) og 1eab (kommisjonsvedtak 2006/193/EF) opphevast.

*Artikkel 2*

Teksta til forordning (EF) nr. 1221/2009 på islandsk og norsk, som vil verte kunngjort i EØS-tillegget til *Tidend for Den europeiske unionen*, skal verte gyldig.

*Artikkel 3*

Denne avgjerda tek til å gjelde 14. juli 2012, på det vilkåret at EØS-komiteen har motteke alle meldingar etter artikkel 103 nr. 1 i avtala (\*).

<sup>(1)</sup> TEU L 270 av 4.10.2012, s. 40, og EØS-tillegget til TEU nr. 56 av 4.10.2012, s. 42.

<sup>(2)</sup> TEU L 342 av 22.12.2009, s. 1.

<sup>(3)</sup> TEF L 114 av 24.4.2001, s. 1.

<sup>(4)</sup> TEF L 247 av 17.9.2001, s. 24.

<sup>(5)</sup> TEU L 70 av 9.3.2006, s. 63.

(\*) Ingen forfatningsrettslege krav oppgjevne.

*Artikkel 4*

Denne avgjerda skal kunngjerast i EØS-avdelinga av og EØS-tillegget til *Tidend for Den europeiske unionen*.

Utferda i Brussel, 13. juli 2012.

For EØS-komiteen

***Atle Leikvoll***

Formann